

六臣註文選

二十

蘇子卿

PDG

六臣註文選卷第三十八

梁昭明太子撰

唐李善并五臣註

表下

爲吳令謝詢求爲諸孫置守冢人表

善曰

孫盛晉陽春秋曰謝詢河東人終於吳令

張士然

善曰孫盛晉陽春秋云張俊字士然吳國人也元康中吳令謝詢表爲孫

氏置守冢人俊爲文詔從之晉百官名曰俊爲太子庶子翰同善注

臣聞成湯革夏而封杞武王入殷而建宋

善曰尚書王曰

乃爾先祖成湯革夏駿命漢書酈生曰昔湯伐桀封其後於杞呂氏春秋曰武王入殷立成湯之後於宋也銑曰革改

也湯伐桀改封夏之後於杞杞國春秋征伐則晉脩虞

祀燕祭齊廟善曰左氏傳曰晉滅虢遂襲虞滅之而脩

下齊七十餘城置吏屬燕為郡而脩齊之宗廟也夫一國為一人興先賢

為後愚廢善曰成湯夏禹賢與國誠仁聖所哀悼而

不忍也故三王五臣敦繼絕之德春秋貴柔服

之義善曰論語曰繼絕世左氏傳晉隨武子曰柔服德也

封杞宋是繼絕也昔漢高受命追存六國凡諸絕祚

一時並五臣祀善曰漢書曰高祖撥亂猶脩祀六國又詔

襄王皆絕亡後其餘秦始皇帝守冢三十家趙及魏公子亡

忌各五家令視其冢復亡與他事也良曰諸絕祚謂諸公

子絕祀者皆祀

親與項羽對爭存亡建羽之死臨哭其喪

善曰漢書灌嬰斬羽東城漢王為發喪哭將以位嘗侔尊

力嘗均勢雖功奪其成而恩與其敗且暴興疾

顛禮之若舊善曰班固漢書項羽贊曰舜重瞳子項羽又重瞳子豈其苗裔邪何其興之暴也國語單

襄公曰高位寔疾顛也銑曰侔齊也言項羽嘗與高祖齊尊而勢力均平功奪其成謂破之也恩與其敗謂哭之也暴

興疾顛謂羽卒起卒亡若舊謂禮與六國同殘戮之尸乃以公葬善曰漢書曰初懷王

封羽為魯公乃以魯公禮葬羽於穀城向曰殘戮謂分斷其身也若使羽位承前緒世

有哲王一朝力屈全身從命則楚廟不墮許規切善作隳

有後可冀濟曰使項羽承諸侯之緒代有智王力屈於漢全身歸命則必楚廟不廢可冀望也伏

惟大晉應天順民五臣作人武成止戈善曰禮含文嘉曰湯武順人心應於

天左氏傳楚子謂潘黨曰夫文止戈為武良曰言用文德不用干戈西戎有即序之人

京邑開吳蜀之館

善曰書曰織皮岷嶓折支渠搜西戎即敘洛陽故宮名曰馬市在城東吳

蜀二王館與相連

翰曰西戎遠國也序謂有朝聘之次序吳蜀歸序各築館京邑以館之

興滅加乎

萬國繼絕接于百世雖三五弘道商周稱仁洋

洋之美

善作義

未足以喻

善曰論語子曰興滅國繼絕世銑曰言國家興滅繼絕雖三皇

五帝之行大道湯武之稱仁衆盛之美不足比也

是以孫氏雖家失吳祚而

族蒙晉榮子弟量才比肩進取懷金侯服佩青

千里

善曰揚子法言曰使我紆朱懷金其樂不可量也漢書曰凡二千石以銀印青綬毛詩曰侯服于周天命

靡常東觀漢記楊喬曰臣伏念二千石典牧千里也

向曰

孫氏謂皓子弟也祚福也金印也青綬也言孫氏子弟比肩爲諸侯佩晉印綬也

當時受恩多有過望

濟曰過望謂恩澤也臣

聞春雨潤木自葉流根鵙鵙恤功愛子及室

善曰

毛詩曰鴝鵒鴝鵒既取我子無毀我室良曰自葉流根謂吳子孫蒙晉官爵榮先祖也鴝鵒鳥也言此鳥憂毀其室子

喻皓也室善同故天稱罔極之恩聖有綢繆之惠善同

翰曰詩云昊天罔極又云徹彼桑土綢繆牖戶言此恩惠深也追惟吳僞武烈皇帝善

吳志孫堅字文臺吳郡人蓋孫武後也權善既稱尊號謚堅曰武烈皇帝銑同善注遭漢室之弱

值亂臣之彊首唱義兵先衆犯難破董卓於陽

人濟神器於甄井善曰吳志曰堅屯梁東爲卓軍所攻潰圍而出堅復合戰於陽人大破卓

軍漢書音義韋昭曰神器天子璽符也吳書曰初堅入洛軍城南甄官井上每旦有五色氣舉軍驚怪莫敢汲堅命人浚

探得漢傳國璽文曰受命于天既壽永昌方圓四寸上紐交五龍龍上一角缺甄音真銑同善注威震羣

狡名顯往朝相王才武弱冠承業善曰吳志曰孫策字伯符堅子

也權稱尊號追謚策曰長沙相王向曰羣校謂董卓之徒也往朝謂漢朝也堅子策以才武定亂謚曰長沙相王也承

業謂承父堅業招百越之士奮鷹揚之勢善曰漢書曰故衡山王芮從百越之

兵以佐諸侯誅暴秦詩曰維師尚父時維鷹揚濟曰招集也百越南越之號也言集彼武士奮舉之勢如鷹鳥飛揚之

貌西赴許都將迎幼主雖元勳未終然至忠已

著善曰吳志曰曹公與袁紹相距於官渡策陰謀襲許迎漢帝未發為吳郡太守許貢客所殺良曰時漢帝都許大

功雖則不終至極之忠亦為著明矣夫家積義勇之基世傳扶危之

業進為徇漢之臣退為開吳之主而蒸嘗絕於

三葉園陵殘於薪采翰曰義勇謂起義兵也扶危謂扶漢社稷也徇營也開吳謂為吳主

也三葉謂堅策權也言陵墓園邑為采薪者殘毀也臣竊悼之伏見吳平之初

明詔追錄先賢欲封其墓愚謂二君並宜應書

銑曰破吳之時武帝有詔追錄先賢也愚謝故舉勞則力

置守家人表

輸先代論德則惠存江南正刑則罪非晉寇從

坐則異世

五臣作代

已輕

向曰言論功勞則嘗効力於漢在德則經存養江南百姓言正刑則

漢魏之時征伐不為晉寇也若緣孫皓之坐則是遠祖應輕也

若列先賢之數蒙詔

書之恩裁加表異以寵亡靈則人望克厭誰不

曰宜

齊曰裁淺表明克能厭足也言淺加明異於常人寵貴亡者則百姓意望足皆云合宜也

二君私

奴多在墓側今為平民乞差五人蠲其徭役使

四時修護頽

五臣作積

毀掃除塋壟永以為常

良曰平民

百姓也蠲免也

讓中書令表

善曰諸晉書並云讓中書監此云令恐誤也

庾元規

善曰何法盛穎川庾錄曰亮字元規為中書郎肅祖欲使為中書監上疏

肅祖納亮言封永昌公後遷司馬錄尚書事
薨 翰曰監令不同蓋相類也餘同善注

臣亮言臣

五臣無亮言臣

凡庸固陋少無檢操昔以中州

多故舊邦喪亂隨侍先臣遠庇有道爰客逃難

求食而已

善曰中州為洛陽庾氏潁川人近洛陽故云中州舊邦何法盛晉書曰亮父琛為會稽太守亮

少隨父會稽又曰中宗為鎮東將軍鎮建鄴論語季康子以

就有道孔安國尚書序曰逃難解散 銑曰固陋小也檢操

猶節操也庾氏所居喪亂謂遭劉聰劉曜破亡也庇蔭

也有道謂元帝也爰於也言我客游逃難以求食而已不悟

邀時之福遭遇嘉運先帝龍興垂異常之顧

善曰

先帝謂中宗元帝也尚書序曰漢室龍興 向曰時福謂蒙

授爵祿也運會也龍興謂先帝中興異常謂眷殊於平人也

既

五臣無既字

眷同國士又申之婚姻

善曰何法盛晉書曰中宗欽亮名德

故申婚姻又曰中宗聘亮妹為皇太子妃史記豫讓曰智伯國士遇我我故國士報之左氏傳晉呂相絕秦曰相好勗力

同心申之以婚姻向曰遂階親寵累忝非服弱冠

濯纓沐浴玄風善曰孟子曰滄浪之水清兮可以濯我纓史記太史公成王作頌沐浴膏澤

任弱冠二十也濯纓入仕也玄風道教言遂因親寵重辱非常之

頻繁省闈出揔六軍善曰何法盛晉書曰王粲表亮為中領軍良曰頻數繁多也省闈

謂黃門郎散騎侍郎天子六軍出揔六軍謂為王粲中領軍也十餘年間位超先達翰

言爵祿越先進之人無勞被遇無與臣比小人祿薄福過災

生止足之分臣所宜守善曰老子曰知足不辱知止不殆銑曰言無功而被顧遇無

有與臣為比者然無德而居厚祿則災害生止足之分臣將宜守之而偷榮昧進日爾一

日謗讟既集上塵聖朝始欲自聞而先帝登遐

善曰先帝元帝也禮曰天王崩告喪曰天王登遐向曰謗毀讟誹也塵猶穢也言我竊冒榮祿日復一日毀誹既眾是

機明朝以此事聞徹而元帝崩區區微誠竟未上達陛下踐祚聖

政維新

善曰臧榮緒晉書曰明帝諱紹字道幾元帝太子也禮曰成王幼不能莅祚周公作相踐祚而治詩

曰周雖舊邦其命維新濟曰區區猶勤勤也竟終祚福也言明帝升位政教法令改舊自新也宰輔賢

明庶寮咸允康哉之歌

五臣作美實在五臣尚書

咎繇曰庶事康哉仲長子昌言曰人主臨之以至公行之而以至仁也良曰庶衆寮官咸皆允信也至公無私也而

國恩不已復以臣領中書

善又有臣領中書四字則示天下

以私矣何者臣於陛下后之兄也

善曰王隱晉書曰明穆皇后庾

氏字文君琛第二女生成帝孫盛晉陽春秋曰庾亮明穆皇后兄也良曰如國恩於臣不已令臣領中書則非至公之

理是示天下私情也何者自發問之辭姻婭之嫌實與骨肉中表不同

雖太上至公聖德無私

善曰老子曰太上知有之河上公曰太上謂太古無名

之君也禮記孔子曰天無私覆地無私載日月無私照奉斯三者以勞天下此之謂三無私謂兄弟中表內外姨舅兄弟也此意言母姨之親猶可而妻族最涉嫌疑也故云不同太上謂天子德也言天子之德無私然世之喪道有自來矣悠悠六合皆私其姻

者也人皆有私則謂天下無公矣是以前後二漢咸以抑后黨安進婚族危向使西京七族東

京六姓皆非姻黨各以平進縱不悉全決不盡

敗今之盡敗更由姻昵

善曰西征賦曰窺七貴於漢庭七族謂呂霍上官趙丁傅

王也東京六姓章德竇后和熹鄧后安思閭后相思竇后順烈梁后靈思何后

銑曰言大道既喪天下之人皆私厚妻

族以爲更無至公之人咸皆也抑謂抑止后之宗黨不令過寵也如此則宗黨安若后族進用者則宗族危云言此諸黨以才平進者則決少敗而今盡敗臣歷觀庶姓在世無

者則姻親所厚近謂惠懷等后家

臣歷觀庶姓在世無

黨於朝無援於時植根之本輕也薄也苟無大

瑕猶或見容向曰庶姓謂與國無親者朝無黨援豈非輕薄也然且小過或見寬容瑕猶過也至

於外戚憑託天地勢連四時根援扶疎重矣大

矣而財居權寵四海側目善曰漢書曰列侯宗室見

憑依也天地喻天子皇后也四時根援喻諸王事有不允

罪不容誅身既招殃國為之敝良曰允信也不容誅謂罪大死刑之

中亦不足容受也其故何耶直由婚媾之私羣情之

所不能免故率其所嫌而嫌之於國翰曰其故何耶自發問故

如是言由婚姻涉衆情之嫌故致毀敗於國是以疏附則信姻進則疑疑

積於百姓之心則禍成重闢之內矣此皆往代

成鑒可為

善作

寒心者也

銑曰疏附謂異姓用賢也姻進謂外戚用事也重闕

宮門也言外戚用則賢臣不進而禍亂之成由於內矣征伐謂呂霍等也以此為戒足為寒心戰懼也

夫萬

物之所不通聖賢因而不奪冒親以求一才之

用未若防嫌以明公道

善曰韓詩外傳曰公道達而私門塞也向曰言物有不

通達者聖人因而任之陛下冒親戚嫌疑求一小才之用不如防備疑慮以明公正之道

今以臣之才

兼如此之嫌而使內處

善作

心膂

旅外揔兵權

尚書穆王曰今命汝作朕股肱心膂賈逵國語注曰膂脊也濟曰以臣才言薄才也如此嫌謂是后兄也言中

書令為天子心膂揔兵謂為王躬中領軍也

以此求治未之聞也以此招

禍可立待也

善曰孫卿子曰亂則危辱賊亡可立而待也良曰言用我以求理未聞其可致我以此招

禍敗佇立可待也

雖陛下二相明其愚款

善曰二相王躬王導也王隱晉書曰

王敦字處仲中宗時為大將軍謀逆肅祖以為丞相不受又曰王導字茂弘中宗時為侍中肅祖即位敦平進太保不拜後為丞相也翰曰二朝士百寮頗識其情天下之

人何可門到戶說使皆坦然耶善曰孝經曰君子之教以孝非家至而日

見之鄭玄曰非門到戶至而見之楚辭曰眾不可戶說方孰云察予之中情尚書序曰坦然明白銑曰寮官也頗少也

坦然明白貌眾不能明無私情故生疑也夫富貴寵榮臣所不能忘也刑

罰貧賤臣所不能甘也今恭命則愈違命則苦

臣雖不達何事背時違上自貽患責耶向曰愈勝苦憂貽遺

也言非惡榮寵甘貧賤知恭君命受職則勝違君命則憂雖無知何事違君命自違患責爾實五臣無實字

仰覽殷鑒晝里已知弊五臣作敝身不足惜為國取悔

善曰毛詩曰殷鑑不遠在夏后之世濟曰殷厚悔禍也言厚觀前代之戒度已必敝誠不惜身恐為國禍是以

慙慙

口貢

屢陳丹款而微誠淺薄未垂察諒憂惶

五臣

作懼屏營不知所厝

善曰曹大家蟬賦曰復丹款之未足留滯恨乎天際也國語申胥曰

昔楚靈王獨行屏營諒見信也懼惶懼也屏營徘徊也厝置也

翰曰慙慙誠也察

以臣今地不

可以進明矣且違命已久臣之罪又積矣歸骸

私門以待刑書

善曰漢書曰彭宣上書乞骸骨歸鄉里韓詩外傳曰公道達而私門塞也尚書

曰哀矜折獄明啓刑書謂不受中書令積多也歸骸謂乞骸骨歸家以待罪

銑曰今地謂嫌疑之地違命

願

陛下垂天地之鑒察臣之愚誠

善無誠字則雖死之

日猶生之年矣

向曰天地鑒察日月之明愚誠款也

薦譙元彥表

善曰孫盛晉陽春秋曰譙秀字元彥巴西人譙周孫性靜不交

於俗李雄盜蜀安車徵秀秀不應躬耕山藪相溫平蜀反役上表薦秀也

栢元子

善曰何法盛晉書曰栢溫字元子譙國人爲琅邪王文學後進位大司馬

曹亮濟同善注

臣聞大朴既虧則高尚之標顯道喪時昏則忠

貞之義彰

善曰易曰不事王侯高尚其事莊子曰世喪道矣道喪世矣世與道交相喪也左氏傳荀息曰

公家之利知無不爲忠也送往事居偶俱無猜貞也良曰大朴大道也高尚隱逸也標表也喪亡昏暗彰明也言堯薄

之代則隱逸見昏亂之時則忠貞明

故有洗耳投淵以振玄邈之風

善曰

洗耳許由也琴操曰堯大許由之志禪爲天子由以其不善乃臨河而洗耳莊子曰舜以天下讓其友北人無擇其人無

擇曰異哉后之爲人也欲以其辱行慢我吾羞見之因自投清冷之淵翰曰洗耳河上謂許由也湯以天下讓務光務

光不受遂自投清冷泉而死邈遠也言此可以振玄遠之風也

亦有秉心矯跡以彰在

三之節

善曰國語曰晉武公伐翼殺哀侯止欒子曰苟無死矣吾令子爲上卿辭曰成聞之人生於三事之